

Na osnovu člana 16.stav 4. Zakona o Vladi Zeničko-dobojskog kantona –Prečišćeni tekst (“Službene novine Zeničko-dobojskog kantona”, broj 7/10), a u skladu sa članom 49. Zakona o izvršenju Budžeta Zeničko-dobojskog kantona za 2012. godinu (“Službene novine Zeničko-dobojskog kantona”, broj 5/12), Vlada Zeničko-dobojskog kantona, na prijedlog Ministarstva zdravstva, na 65. sjednici, održanoj 31.05.2012. godine, d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614300, pozicija “Tekući transferi neprofitnim organizacijama” Budžeta Zeničko-dobojskog kantona za 2012. godinu

I.

Usvaja se Program utroška sredstava na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614300, pozicija “Tekući transferi neprofitnim organizacijama” Budžeta Zeničko-dobojskog kantona za 2012. godinu u iznosu od 620.000,00 KM (slovima: šeststotinadvaest hiljada konvertibilnih maraka), koji čini sastavni dio ovog zaključka.

II.

Raspodjela sredstava po Programu iz tačke I. ovog zaključka vršit će se na osnovu dinamičkog plana Ministarstva zdravstva, u skladu sa odobrenim mjesečnim operativnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____/12.
Datum, 31.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA BUDŽETSKIH SREDSTAVA
NA RAZDJELU 21-MINISTARSTVO ZDRAVSTVA, BUDŽETSKA
ORGANIZACIJA 01, POTROŠAČKA JEDINICA 0001, EKONOMSKI
KOD 614300- POZICIJA
“TEKUĆI TRANSFERI NEPROFITNIM ORGANIZACIJAMA”
BUDŽETA ZENIČKO-DOBOJSKOG KANTONA ZA 2012. GODINU**

Zenica, maj 2012. godine

U skladu sa odredbama člana 35. i 49. Zakona o izvršavanju Budžeta Zeničko-dobojskog kantona za 2012. godinu, («Službene novine Zeničko-dobojskog kantona», broj: 5/12) , Ministarstvo zdravstva predlaže Vladi Kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 614300, Pozicija- **«Tekući transferi neprofitnim organizacijama»**.

Svrha Programa: Ovim programom utvrđuju se sredstva za tekuće transfere u oblasti zdravstva.

Visina sredstava: 620.000 KM

Izvori sredstava: Budžet Zeničko-dobojskog kantona za 2012. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 614300, pozicija “Transfer neprofitnim organizacijama”.

1. Transfer za nabavku vakcina

(ekonomski kod 614300, subanalitika LAX 0001-godišnji iznos 100.000,00 KM)

Zakonom o zdravstvenoj zaštiti (“Službene novine Federacije Bosne i Hercegovine”, broj: 46/10) je utvrđeno da društvena briga za zdravlje na nivou kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevencija bolesti na području kantona (tačka 9) i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti (tačka 10).

Kantonalni zavod za javno zdravstvo u skladu sa članom 119. navedenog zakona kontinuirano provodi mjere higijensko-epidemiološke zaštite i nadzora sa epidemiološkom analizom stanja na području kantona i provodi protivepidemijske mjere, te nadzire provođenje obaveznih imunizacija. Kantonalni zavod obavlja raspodjelu obaveznih vakcina zdravstvenim ustanovama na primarnom nivou zdravstvene zaštite na području kantona.

U tom pogledu Kantonalni zavod za javno zdravstvo Zenica u saradnji sa Ministarstvom zdravstva planira nabavke određenih količina vakcina.

Na našim prostorima evidentan je problem pasa litalica, koji su najčešći prenosnici virusa bjesnila, što utiče na povećani priliv pacijenata kojima je potrebna antirabična zaštita. Antirabična zaštita se provodi na taj način da se licu koje je povrijeđeno od strane bijesne ili na bjesnilo sumnjive životinje obavezno aplicira vakcina i/ili antirabični imunoglobulin (serum). Ukoliko se ovi lijekovi (a posebno serum) ne bi aplicirali, a osoba oboljela od bjesnila, to bi značilo sigurnu smrt.

Obzirom na navedeno od ukupno planiranih sredstava za nabavku vakcina u Budžetu Zeničko-dobojskog kantona za 2012. godinu za nabavku vakcina i seruma za antirabičnu zaštitu planiran je iznos sredstava od 48.700,00 KM.

Ostatak planiranih sredstava u iznosu od 51.300,00 KM bi se koristio za nabavku vakcina protiv sezonske gripe. Sezonska gripa predstavlja poseban zdravstveni rizik za teške bolesnike. Iako ne predstavlja teško oboljenje, pojavljivanje gripe u epidemijskom obliku može ozbiljno ugroziti osobe sa narušenim zdravljem, a posebno hronične bolesnike.

Ova vakcina se preporučuje za preveniranje gripe osobama kod kojih se očekuje visok rizik mogućih komplikacija od ove bolesti (starije osobe, kronično oboljeli građani i djeca), a kojih prema procjenama Kantonalnog zavoda za javno zdravstvo ima oko 2500. Vakcina za navedene kategorije stanovništva je besplatna, a za sve ostale vakcina se komercijalno nabavlja i ona je dostupna po vema niskim cijenama.

Akciju nabavke i distribucije vakcina provodi u skladu sa Programima imunizacije Kantonalni zavod za javno zdravstvo, a sastoji se od planiranja, nabavke vakcine, distribucije po domovima zdravlja i praćenja epidemiološkog stanja stanovništva na području Kantona.

Za naprijed navedene aktivnosti planirana sredstva u u Budžetu Zeničko-dobojskog kantona za 2012. godinu iznose 100.000 KM, a realizacija će se vršiti u skladu sa procentom ostvarenja prihoda.

Kriteriji za raspodjelu: Informacija-izvještaj o epidemiološkoj situaciji, vrstosoju vakcine i količini (broj jedinica) i Zaključak Vlade Kantona o odobrenju sredstava.

Vakcinu putem javnog natječaja nabavlja Kantonalni zavod za javno zdravstvo Zenica, i o istom obavještava nadležno ministarstvo.

2. Transfer za deratizaciju

(ekonomski kod 614300, subanalitika LAX 002-godišnji iznos 100.000,00 KM)

U skladu sa članom 119. Zakona o zdravstvenoj zaštiti («Službene novine Federacije Bosne i Hercegovine», broj: 46/10) i Zakonom o zaštiti stanovništva od zaraznih bolesti («Službeni list FBiH broj: 29/05), Kantonalni zavod za javno zdravstvo donosi Plan i program mjera dezinfekcije, dezinfekcije i deratizacije i nadzire njihovo izvršenje, te provodi preventivne i protuepidemijske DDD postupke za područje Kantona.

Vlada Zeničko-dobojskog kantona je Zaključkom broj: 02-37-9580/12 od 18.04.2012. godine usvojila Program provođenja proljetne faze obavezne preventivne sistematske deratizacije na području Zeničko-dobojskog kantona.

Naredbom Ministarstva zdravstva su definisani objekti i površine koji će biti obuhvaćene preventivnom sistematskom deratizacijom, podijeljeni u dvije grupe. Sredstva za provođenja deratizacije u slijedećim objektima i površinama obezbjeđuju Zeničko-dobojski kanton i općine:

1. Javne i zelene površine u pojasu naselja sa koncentrisanim stanovništvom
 2. Obale površinskih vodotoka u gradskim i prigradskim zonama
 3. Vaspitno-obrazovni i kulturni objekti i njihovi prostori
 4. Kolektivni centri za smještaj i boravak izbjeglih i prognanih lica
 5. Objekti javnih zdravstvenih ustanova
 6. Javne ustanove administrativnog karaktera
 7. Individualne zgrade u privatnom vlasništvu u užim zonama gradskih naselja
- Nezvanične deponije i smetlišta

Troškove provođenja akcije u slijedećim površinama i objektima snose subjekti koji njima upravljaju:

1. Kanalizacione mreže sa šahtovima i izlivnim kolektorima
2. Zvanične deponije
3. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti
4. Stacionarni objekti i sredstva javnog saobraćaja
5. Objekti za proizvodnju i promet živežnih namirnica i predmeta opće upotrebe (korisnici i vlasnici istih)
6. Objekti za pružanje usluga javne higijene
7. Zajednički prostori stambenih zgrada (podrumi i tavani)

Budžetom Zeničko-dobojskog kantona za 2012. godinu planirana sredstva za naprijed navedene namjene iznose 100.000,00 KM.

Kriterij za raspodjelu sredstava: Program provođenja proljetne i jesenje faze obavezne preventivne sistematske deratizacije na području Zeničko-dobojskog kantona za 2012. godinu i Odluka Vlade.

Izvještaj o provedenoj akciji (proljeće- jesen) dostavlja Kantonalni zavod za javno zdravstvo i isti na prijedlog Ministarstva zdravstva usvaja Vlada.

3. Transfer udruženjima-dobrovoljno darivanje krvi (ekonomski kod 614300, subanalitika LAX 004-godišnji iznos 20.000,00 KM)

Aktivnosti koje provode organizacije Crvenog križa i Crvenog polumjeseca na prikupljanju krvi susreću se sa sve većim problemima prvenstveno obezbjeđenja zahvalnog obroka dobrovoljnim davaocima, izrade zahvalnica, propagandnog materijala, prevoza dobrovoljnih davalaca i sl. Već nekoliko godina osjetno je smanjenje broja davalaca krvi, što neposredno ima za posljedicu i normalno funkcionisanje bolničke djelatnosti.

U cilju obezbjeđivanja uslova za kvalitetnijim organizovanjem akcija u prikupljanju dovoljnih količina krvi predviđene su podrške akcijama koju provode organizacije Crvenog križa i Crvenog polumjeseca.

Budžetom Zeničko-dobojskog kantona za 2012. godinu za ove namjene su planirana su sredstva u iznosu od 20.000,00 KM, a realizacija će se vršiti u skladu sa procentom ostvarenja prihoda.

Kriteriji za raspodjelu sredstava: Dnamika sprovedenih akcija, redovni izvještaji organizacija za prikupljanje krvi i transfuzioloških službi zdravstvenih ustanova-bolnica i na prijedlog Ministarstva zdravstva Zaključak Vlade Kantona.

4. Transfer za Kantonalni zavod za borbu protiv bolesti ovisnosti

(ekonomski kod 614300, subanalitika LAX 005-godišnji iznos 300.000,00 KM)

Javna zdravstvena ustanova Kantonalni zavod za borbu protiv bolesti ovisnosti od osnivanja kontinuirano obezbjeđuje zdravstvenu zaštitu ovisnika bilo da su dobrovoljno u tretmanu ili po odluci suda. Plan poslovanja za 2012. godinu je rađen u skladu sa Zakonom o zdravstvenoj zaštiti ("Službene novine Federacije Bosne i Hercegovine", broj: 46/10) i Odlukom o standardnoj klasifikaciji djelatnosti u Federaciji Bosne i Hercegovine. Sredstva za rad Zavoda za borbu protiv bolesti ovisnosti se obezbjeđuju iz Budžeta Zeničko-dobojskog kantona, Ugovorom sa Zavodom zdravstvenog osiguranja Zeničko-dobojskog kantona i iz drugih izvora na način i pod uslovima određenim zakonom, aktom o osnivanju i Statutom Zavoda. Djelatnost Zavoda za borbu protiv bolesti ovisnosti obuhvata slijedeće aktivnosti:

- Stacionarnu i ambulantno-polikliničku zdravstvenu zaštitu sa rehabilitacijom oboljelih ovisnika
- Prevenciju, dijagnostiku, rehabilitaciju i socijalnu reintegraciju ovisnika
- Provođenje programa edukacije i metadonskog programa prema standardima Svjetske zdravstvene organizacije
- Vođenje registra bolesti ovisnosti
- Ostvarivanje saradnje sa svim zdravstvenim ustanovama i specijaliziranim ustanovama iz oblasti borbe protiv ovisnosti
- Organizovanje stručnih savjetovanja, seminara, javnih tribina, predavanja i drugih aktivnosti od značaja za ostvarivanje djelatnosti Zavoda
- Stacionarni tretman –detoks, liječenje oboljelih ovisnika

Ciljevi i pravci djelovanja Zavoda u 2012. godini su definisani Planom poslovanja za 2012. godinu i obimom finansijskih sredstava, a odnose se na:

- Zadržavanje dostignutog nivoa kvaliteta i aktivnosti u segment primarne prevencije
- Zadržavanje i stabilizacija dostignutog nivoa i kvaliteta usluga u oblasti rane dijagnostike, liječenja, rehabilitacije i resocijalizacije ovisnika (Centralna ambulanta u Zenici sa terenskim ambulantama pri Domovima zdravlja u osam općina , kao, i Detox-bolnički odjel omogućavaju visok kvalitet usluga)
- Održavanje i stabilnost funkcionisanja supstitucijskog –metadonskog programa , te nastavak uvođenja suboxona kao novog supstitucijskog lijeka
- Stabilizacija i zadržavanje dostignutog nivoa i kvaliteta rada i usluga na bolničkom odjelu –DETOXU, čiji je kapacitet 4+2 kreveta, kojim je omogućen kvalitetan tretman za pacijente Zeničko-dobojskog kantona, a dijelom komercijalno i za pacijente sa ostalih kantona
- Nastavak i unapređenje supstitucionog metadonskog programa liječenja i tretmana zatvorenika opijatskih ovisnika u Kazneno-poravnom zavodu Zenica

- Nastavak i unapređenje uspješne saradnje sa UNDP-om BiH kojom je zavod u proteklom trogodišnjem periodu obezbijedio i osigurao lijek METADON za sve pacijente na supstitucionom tretmanu
- Nastavak saradnje sa ustanovama i institucijama iz BiH i regiona
- Aktivo učešće na seminarima, simpozijumima i u projektima sa NVO u cilju stručnog unapređenja znanja
- Aktivnosti na formiranju DNEVNOG CENTRA (konceptualno i organizacijski vrlo bitnog segmenta u liječenju, rehabilitaciji i resocijalizaciji ovisnika-Otvoreni vid komune) u toku 2012. godine ostat će neizvjesne zbog nepovoljne finansijske situacije u Budžetima

Za finansiranje rada Kantonalnog zavoda za borbu protiv bolesti ovisnosti u 2012. godni iz Budžeta Zeničko-dobojskog kantona se planira izdvojiti 300.000,00 KM, dok će nivo izdvajanja Kantonalnog zavoda zdravstvenog osiguranja biti povećan sa 700.000 KM koliko je iznosio u 2011. godini na 1.000.000 KM u 2012. godini. Planom prihoda i rashoda za 2012. godinu pored navedenih izvora prihoda planirana su sredstva u iznosu od 285.300 KM po osnovu prihoda od usluga drugih korisnika, prihoda od projekata, donacija UNDP-a i ostalih prihoda. Rashodi Zavoda u 2012. godini su planirani u visini ukupno planiranih prihoda u iznosu od 1.585.000 KM.

Kriteriji za raspodjelu sredstava : Plan poslovanja Kantonalnog zavoda za borbu protiv bolesti ovisnosti, mjesečni iznosi za finansiranje utvrđeni Budžetom Zeničko-dobojskog kantona za 2012. godinu usklađeni sa procentom ostvarenja prihoda.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

5. Transfer za Kantonalni zavod za medicinu rada (ekonomski kod 614300, subanalitika LAX 007-godišnji iznos 50.000,00 KM)

Kantonalni zavod za medicinu rada, u skladu sa članom 120. Zakona o zdravstvenoj zaštiti ("Službene novine Federacije Bosne i Hercegovine", broj 46/10) i Odluke o osnivanju ("Službene novine Zeničko-dobojskog kantona", broj: 15/98) obavlja djelatnosti specifične zdravstvene zaštite radnika na području Zeničko-dobojskog kantona. Po standardima i normativima zdravstvene zaštite iz obaveznog zdravstvenog osiguranja (Službene novine Federacije Bosne i Hercegovine", broj: 5/03) za obavljanje javno-zdravstvene djelatnosti medicine rada kantonalnog nivoa trebalo bi angažovati 1,21 tim za koje je prema standardima i normativima potrebno izdvojiti godišnja sredstva u iznosu od 119.869,20 KM (za 72648 zaposlenih). Programskim zadacima Kantonalnog zavoda za medicine rada, koji bi se trebali finansirati iz Budžeta Zeničko-dobojskog kantona u 2012. godini predviđeni su slijedeći projektni zadaci:

- Prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja

- Prikupljanje i obrada statističkih podataka o absentizmu u period obrade za IK
- Praćenje i analiza funkcionisanja Službi medicine rada na Zeničko-dobojskom kantonu
- Identifikacija i procjena štetnih rizika po zdravlje na random mjestu
- Edukacija zdravstvenih radnika
- Aktivnosti na registraciji profesionalnih bolesti i povreda na radu
- Profesionalna orijentacija i nova zanimanja i tehnologije rada
- Promocija zdravlja-zdravstveni odgoj
- Osposobljavanje zaposlenika za pružanje prve pomoći

Budžetom Zeničko-dobojskog kantona za 2012. godinu planirana sredstva za Kantonalni zavod za medicinu rada iznose 50.000,00 KM, a utožit će se za realizaciju projekata u 2012. godini planiranih programskim zadacima Kantonalnog zavoda za medicinu rada za 2012. godinu.

Treba napomenuti da su planirani troškovi za cjelovitu realizaciju naprijed navedenih projektnih zadataka znatno veći od sredstava planiranih u Budžetu Zeničko-dobojskog kantona za 2012. godinu.

U strukturi ukupnih troškova za realizaciju projekata koji se finansiraju iz sredstava koje obezbjeđuje Zeničko-dobojski kanton, na bruto primanja uposlenih se odnosi 48.050,00 KM, zajedničke troškove 1.450,00 KM, troškove tehničke realizacije programa 350,00 KM i troškove grafičke pripreme, štampanja i distribucije 150,00 KM.

Kriteriji za raspodjelu sredstava su: Program rada, mjesečni iznosi za finansiranje utvrđeni Budžetom Zeničko-dobojskog kantona za 2012. godinu usklađeni sa procentom ostvarenja prihoda.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

6. Transfer za Kantonalni zavod za javno zdravstvo (ekonomski kod 614300, subanalitika LAX 008-godišnji iznos 50.000,00 KM)

Kantonalni zavod za javno zdravstvo osnovan je Zakonom o javnoj ustanovi Kantonalni zavod za javno zdravstvo ("Službene novine Zeničko-dobojskog kantona", broj: 15/98) i obavlja poslove predviđene članom 119. Zakona o zdravstvenoj zaštiti ("Službene novine Federacije Bosne i Hercegovine", broj: 46/10). U skladu sa Prijedlogom Projekata Kantonalnog zavoda za javno zdravstvo, koji se finansiraju iz Budžeta Zeničko-dobojskog kantona za 2012. godinu, planirani su slijedeći projekti:

- praćenje i analizu zdravstvenog stanja stanovništva i funkcionisanja zdravstva (ukupni troškovi finansiranja 16.991,00 KM),
- edukaciju zdravstvenih radnika (ukupni troškovi finansiranja 14.663,00 KM),
- prikupljanje i obradu zdravstveno- statističkih podataka i statistička istraživanja u zdravstvu (ukupni troškovi finansiranja 36.704,00 KM),

- nadzor nad akutnom flakcidnom paralizom (ukupni troškovi finansiranja 2.167,00 KM) i
- nadzor nad HIV/AIDS(ukupni troškovi finansiranja 3.341,00 KM).

Budžetom Zeničko-dobojskog kantona za potrebe finansiranja projektnih aktivnosti Zavoda je planirano 50.00,00 KM. Obzirom da se radi o aktivnostima koje su zakonska obaveza, Zvod je prinuđen da ih realizuje u obimu koji je neophodan za obavljanje osnovnih funkcija Zavoda, te je u planu naveden veći obim aktivnosti i veći troškovi u odnosu na opredjeljena sredstva iz Budžeta Zničko-dobojskog kantona (Ukupni troškovi za realizaciju naprijed navedenih projekata iznose 73.866,00 KM). Nedostajuća sredstva za finansiranje navedenih projekata bit će obezbjeđena iz sredstava Kantonalnog zavoda za javno zdravstvo.

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2012. godinu usklađeni sa procentom ostvarenja prihoda.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

Broj: 02-_____/12.
Datum, 31.05.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

P R O G R A M
UTROŠKA BUDŽETSKIH SREDSTAVA U 2012. GODINI
TRANSFER NEPROFITNIM ORGANIZACIJAMA

RAZDJEL	BUDŽETSKA ORG.	POTR.JED	EK.KOD	NAZIV TRANSFERA	UKUPAN IZNOS	DINAMIKA POTROŠNJE	OSTALI USLOVI	POSEBNI UVJETI DINAMIKE- POTROŠNJE SREDSTAVA	OSNOV TROŠENJA I ZAK. PROPIS	KRITERIJI- NAPOMENA	KORISNIK TRANSFERA
21	01	001	614300 LAX 001	TRANSFER ZA NABAVKU VAKCINA	48.700	JUNI	0	juni antirabična zaštita	U skladu sa Zakonom o izvršenju Budžeta za 2012 član 35, "Zakonom o zaštiti stanovništva od zaraznih bolesti koje ugrožavaju cijelu zemlju"(Sl list FBiH 29/05), Zakonom o zdravstvenoj zaštiti (Sl.Novine FBiH46/10)	Protuepidemijska zdravstvena zaštita provodi se na temelju Plana i programa (izvještaja) kojeg donosi Federalno Ministarstvo zdravstva a provodi Kantonalni zavodi za javno zdravstvo uz saglasnost Ministarstva zdravstva i Odluke Vlade	KANTONALNI ZAVOD ZA JAVNO ZDRAVSTVO
21	01	001	614300 LAX 001	TRANSFER ZA NABAVKU VAKCINA	51.300	OKTOBAR -NOVEMBAR	0	oktobar-novembar (gripa) 2012. Prema epidemiološkoj situaciji kretanja zaraznih oboljenja koju prati i sprovodi Kantonalni zavod za javno zdravstvo,	U skladu sa Zakonom o izvršenju Budžeta za 2012 član 35, "Zakonom o zaštiti stanovništva od zaraznih bolesti koje ugrožavaju cijelu zemlju"(Sl list FBiH 29/05), Zakonom o zdravstvenoj zaštiti (Sl.Novine FBiH46/10)	Protuepidemijska zdravstvena zaštita provodi se na temelju Plana i programa (izvještaja) kojeg donosi Federalno Ministarstvo zdravstva a provodi Kantonalni zavodi za javno zdravstvo uz saglasnost Ministarstva zdravstva i Odluke Vlade	KANTONALNI ZAVOD ZA JAVNO ZDRAVSTVO NABAVLJA VAKCINU I RASPOREĐUJE PREMA PLANU DOMOVIMA ZDRAVLJA I BROJU RIZIČNIH KATEGORIJA STANOVNIKA

21	01	001	614300 LAX 002	TRANSFER ZA DDD POSLOVE -proljetna faza	50.000	JUNI -JULI	0	sredstava po okončanju poslova proljetne faze	U skladu sa Zakonom o izvršenju Budžeta za 2012.godinu čl.35., -"Zakonom o zdravstvenoj zaštiti"Sl.Novine FBiH46/10 član 119. - Zakonom o zaštiti stanovništva od zaraznih bolesti koje ugrožavaju cijelu zemlju"(Sl list FBiH 29/05) "Zakonom o javnoj ustanovi Kantonalni zavod za javno zdravstvo"Sl novine Ze-do kantona 11/97	Finansiranje poslova DDD za 2012 godinu: 50.000 sredstava izdvaja se iz Budžeta Kantona ; na osnovui Odluke o provođenju DDD poslova	KANTONALNI ZAVOD ZA JAVNO ZDRAVSTVO ZENICA
21	01	001	614300 LAX 002	TRANSFER ZA DDD POSLOVE -jesenja faza	50.000	NOVEMBAR-DECEMBAR	0	po okončanju poslova jesenje faze	U skladu sa Zakonom o izvršenju Budžeta za 2012.godinu čl.35., -"Zakonom o zdravstvenoj zaštiti"Sl.Novine FBiH46/10 član 119. - Zakonom o zaštiti stanovništva od zaraznih bolesti koje ugrožavaju cijelu zemlju"(Sl list FBiH 29/05) "Zakonom o javnoj ustanovi Kantonalni zavod za javno zdravstvo"Sl novine Ze-do kantona 11/97	Finansiranje poslova DDD za 2012.godinu: 50.000 sredstava izdvaja se iz Budžeta Kantona na osnovu Odluke o provođenju DDD poslova	KANTONALNI ZAVOD ZA JAVNO ZDRAVSTVO ZENICA
21	01	001	614300 LAX 004	TRANSFER UDRUŽ. DOBROVOLJNO DARIVANJE KRVİ	20.000	OPERATIVNI PLAN	U SKLADU SA SPROVEDENIM AKCIJAMA DDK	Izveštaji službi za transfuziju,izveštaji organizacija DDK i na osnovu tog opredjeljujuća sredstva	U skladu sa Zakonom o izvršenju Budžeta za 2012 g.čl.36.,	Akcije dobrovoljnog darivanja krvi na području ZE-DO kantona uz predočenje izveštaja službi za Transfuziju,Zaključak Vlade na prijedlog Ministra Zdravstva	Organizacije za dobrovoljno darivanje krvi na području ZE- DO kantona
21	01	001	614300 LAX 005	TRANSFER ZA KANTONALNI ZAVOD ZA BORBU PROTIV BOLESTI OVISNOSTI	300.000	UTVRĐUJE SE OPERATIVNIMPLANOM	0	Plan i program Kantonalnog zavoda za borbu protiv bolesti ovisnosti za 2012. godinu	U skladu sa Zakonom o izvršenju Budžeta za 2012.g.čl.35., Odluke o osnivanju Javne ustanove Kantonalni zavod za borbu protiv bolesti ovisnosti 5 "Sl.novine Ze-do kantona 11/05,	Plan i program Kantonalnog zavoda za borbu protiv bolesti ovisnosti za 2012.god	JU Kantonalni zavod za borbu protiv bolesti ovisnosti

21	01	001	614300 LAX 007	TRANSFER KANTONALNI ZAVOD ZA MEDICINU RADA	50.000	UTVRĐUJE SE OPERATIVNI PLANOM	0	Plan i program Kantonalnog zavoda za medicinu rada za 2012 godinu	U skladu sa Zakonom o izvršenju Budžeta za 2011.g.čl.35., Zakonom o zdravstvenoj zaštiti" Sl. Novine FBiH 46/10 I Odlukom o javnoj ustanovi Kantonalni zavod za medicinu rada" Sl.novine Ze-do kantona 15/98 "Odlukom o standardima i normativima zdravstvene zaštite- Javno zdravstvena djelatnost medicinske rada"Sl novine FBiH 5/03	Plan i program Kantonalnog zavoda za medicinu rada za 2012.god.	JU KANTONALNI ZAVOD ZA MEDICINU RADA
21	01	001	613000 LAX 008	KANTONALNI ZAVOD ZA JAVNO ZDRAVSTVO	50.000	UTVRĐUJE SE OPERATIVNI PLANOM	0	Plan i program Kantonalnog zavoda za javno zdravstvo za 2012 godinu	U skladu sa Zakonom o izvršenju Budžeta za 2012 godinu, "Zakonom o zdravstvenoj zaštiti" član 120., "Zakon o javnoj ustanovi Kantonalni zavod za javno zdravstvo" Sl.novine Ze-do kantona 11/97 "Odlukom o standardima i normativima zdravstvene zaštite-Javno zdravstvo sekundarnog nivoa"Sl novine FBiH 5/03	Plan programskih zadataka Kantonalnog zavoda za javno zdravstvo za 2012 god.	JU KANTONALNI ZAVOD ZA JAVNO ZDRAVSTVO
			UKUPNO TRANSFERI:		620.000						

